

tuum, venit pati, mori, sputis illiniri, spinis coro-
nari, opprobria ferre, fel et acetum bibere, ligno
configi. Omnia hæc ille tulit pro te. Ille confortans
infirmum, ut cum crediderit, non speret prospera
hojus seculi; unde: *Fili, accedens ad servitutem Dei,
sta in justitia et timore, et præpara animam tuam ad
tentationes.*

VERS. 15. — *Sacras litteras nosti quæ te, etc.*
Multum signat prodesse Veteris Testamenti habere
notitiam, ubi Christi persona et incarnatione insinuat
quæ ad salutem hominum valet.

CAPUT IV.

VERS. 2. — *Importune.* Tu opportune agis, sed
importunus esse videris ei qui non libenter audit,
quod tamen ei aliquando prodest. Tu tamen sciens
hoc illi esse oppportunum, quod ei videtur importu-
num, dilectionem curamque sanitatis ejus, anime
tenebas mansuetus et modestus. *Increpa in omnibus.*
Timotheo acriorem suadet patientiam. Tito nimis
patienti, imperium persuadet.

VERS. 3. — *Coacervabunt sibi magistros.* Id est, qui
ea doceant quæ volunt. Prophetia est sancti apostoli,
qui præscius futurorum, in doctrina præcipit esse
instandum, ut contra hoc quod futurum erat, pre-
paretur Ecclesia. Tales enim dicit futuros, qui pro
desideriis suis doceri volunt ut a magistris scilicet
constantibus et veracibus ad eos convertantur qui
haec illos doceant quæ libenter audiant, quia veritas
illis aspera videbitur, ut relicta vera doctrina fabulis
vacent.

VERS. 5. — *Opus fac evangelistæ.* Testando opere
quod ore prædicans, ut retrorqueatur os turturis ad
ascellas, et sint mala punica et tintinnabula in ex-
tremis oris hyacinthinae tunicae.

VERS. 6. — *Delibor.* Libare dicimus, degustare,
fundere et immolare. Inde delibare, quod tamen hic
pro ipsa immolatione ponitur, passionem enim suam
deliberationem appellat. Deo enim immolatur qui pro
justitia patitur.

VERS. 7. — *Fidem,* que est caput Christianæ reli-
gionis, servari, quæ non potest haberi nisi Deo mi-
serante, quia donum Dei est; uude alibi ait: *Mise-
ricordiam consecutus sum, non quia fidelis eram, sed* D

A *ut fidelis essem.* Apostolum enim invenimus sine ul-
lis bonis meritis, imo cum multis vitiis Dei gratiam
consecutum, reddentibus bona pro malis. Qui sua
jam propinquante passione bona merita sua com-
memorat, post quæ consequetur coronam, qui post
mala merita consecutus est gratiam: quæ nisi prius
gratuita donaretur, corona non redderetur. Non ergo
merita ipsius tanquam ipsius sunt, id est ex ipso ei
comparata, sed dona Dei sunt.

VERS. 8. — *Reddet.* Si enim fides gratia est, et
vita æterna quasi merces est fidei; videtur quidem
Deus vitam æternam tanquam debitum reddere cui
debet fideli, quia promeruit illam per fidem; sed quia
fides gratia est, et vita æterna est gratia, per gratiam
ergo reddet. *Justus judex.* Utique justus retribuendo
B bona pro bonis, quia tamen prius misericors est re-
tribuendo bona pro malis; ipsa justitia qua retri-
buntur bona pro bonis non est sine misericordia.

VERS. 13. — *Penulam.* (CHRY.) Pallium hic pe-
nulam dicit, etc., usque ad ne ab aliis hanc accipere
opus sit.

VERS. 14. — *Alexander.* Iste est quem supra
dixit reversum ad apostasiam, qui fabricabat ædes
Dianæ apud Athenas, et omnes contra Apostolum
commovit. *Multa mihi mala ostendit.* (CHRY.) Qui a
magno aliquo premitur, etc., usque ad ut infirmiores
quoque etiam ex hac parte solatium capiant.

VERS. 16. — *Defensione.* Pressuram et tribula-
tionem sibi illatam defensionem appellat: tribulatio
defensio est Christianis, quia defendit eos in die
C judicii.

Non illis imputetur. Non orat pro Alexandro,
qui invidentia fraternitatem oppugnando peccaverat,
sed pro his qui abruperant amorem, sed timore
succubuerunt; orat ut eis ignoscatur. Multum enim
interest inter eos qui hoc modo et eos qui illo modo
peccant.

VERS. 17. — *De ore leonis.* Neronis, de cuius ma-
nibus liberatus est a Domino, quando venit Romam
adductus ab his qui præerant Judææ, ob hoc quod
Cæsarem appellasset. Nam cum venisset Romam
duobus annis mansit in libera custodia, post etiam
transivit ad alias nationes quæ erant in circuitu
Romæ.

EPISTOLA AD TITUM.

ARGUMENTUM.

Titum commonefacit et instruit de constitutione
presbyterii et de spirituali conversatione, et haere-
ticis vitandis, qui in traditionibus Judaicis credunt,
scribens ei a Nicopoli.

CAPUT PRIMUM.

VERS. 1. — *Paulus servus,* etc. Conditione non
tamen peccati misera servitute, sed Dei. Quidam
nobilitate, qualiter Moyses et David servi sunt ap-
pellati, et Maria ancilla. Secundum fidem electi. Id

est quam tenent vel quæ salvantur electi Dei, et ideo
per ea magis laborandum.

VERS. 2. — *In spem vitæ æternæ.* Hæc res hic
fructus apostolici officii. Per hoc commendat offi-
cium apostolicum non tepidius agendum. *Ante tem-
pora,* etc. Non recens promissio, sed ante tempora
omnium sæculorum.

VERS. 3. — *Manifestavit.* Congruis hoc factum
est temporibus, scilicet Verbum, id est Filius: *Hæc
est vita æterna.*

VERS. 4. — *Filio secundum communem fidem.* Id est catholicam non privatam alicujus. Catholicum Graece, commune vel universale dicitur Latine.

Hujus rei gratia. Primo dicit quid agere debeat et quales ordinare presbyteros, incipiens ita, *hujus rei gratia.* Dum hanc recolit, sicut ei disposuerat monet exsequi.

VERS. 5. — *Presbyteros.* Pluraliter dicit presbyteros, non autem singulariter, ut scilicet pastoralis curæ onus facilius sustineatur, per multos divisum.

VERS. 6. — *Sine crimine.* Si dixisset, sine peccato, nullus in Ecclesia recte posset ordinari minister. Multi enim baptizati fideles sunt sine criminibus, sine peccato vero in hac vita neminem dixerim; non quia peccati aliquid remaneat quod in baptismate non dimittatur, sed quia in nobis in hujus vitæ infirmitate manentibus quotidie fieri non quiescunt, quæ fideliter orantibus quotidie remittantur. Quamlibet valde justum discutias in hac vita, non est tamen sine peccato.

Unius uxoris virum. (*HIERON. Epist. ad Oceanum.*) Post baptismum, etc., usque ad quia est ab uno Deo apostatare, et in alterius superstitionem ire.

Filios habens fideles. Id est, nec saltem de luxuria accusatos, vel sibi non subditos. Alioquin nec spes in illo est corrigendi alios, nec frontem habet ad alios talium cohabitator.

VERS. 7. — *Oportet enim.* Talis debet constitui: necesse est enim ad tractationem officii eum esse sine criminibus, id est irreprehensibilem episcopum. Hic aperte ostendit presbyterorum nomine episcopos supra fuisse designatos.

VERS. 9. — *Eos qui contradicunt, arguere.* Contradicentes non uno modo intelligendi sunt, paucissimi quippe nobis contradicunt loquendo, sed multi male vivendo. Quis enim audet apertissime loquendo contradicere veritati. Non contradicunt multi lingua, sed vita: quos redarguere bonum opus est, grandis sarcina, clivus arduus.

VERS. 12. — *Dixit quidam ex illis.* (*AUC., lib. II contra adversarium leg. et prophet.*) Iste fuit Epimenides Cretensis, in cuius libris hoc invenitur, etc., usque ad ad ministerium domus Dei assumendum est.

VERS. 14. — *Mandatis.* Quia mandata legis post manifestam veritatem, iam hominum, non Dei mandata sunt.

VERS. 15. — *Omnia munda mundis.* Hoc ipsi negant ideo, quia in lege quædam Moyses prohibuit, et ab imundis munda discrevit. Hoc autem non secundum naturas quas Deus creavit, intelligi voluit, sed secundum significaciones: Omnia ergo munda sunt mundis secundum naturam; unde in Genesi: *Vidit Deus cuncta quæ fecerat, et erant valde bona.* Secundum significaciones quædam immunda sunt Iudeis: nec nobis omnia apta sunt, vel propter salutem corporum, vel propter consuetudinem humanæ societatis.

VERS. 16. — *Factis autem.* Si negatio non tantum lingua fit, sed etiam factis, certe multos invenimus

Antichristos, qui ore confitentur Christum, et in spiritibus dissentient ab eo. Quisquis factis negat Christum Antichristus est. Tales sunt omnes mali catholici, qui non verbis, sed factis negant. Nolite ergo esse tanquam de fide securi, adjungite fidei rectæ vitam rectam, ut Christum confiteamini, et verbis vera docendo, et factis bene vivendo. Nam si confitemini verbis et non factis, fides tantum meorum propriæ fides est dæmoniorum.

CAPUT II.

VERS. 1. — *Tu autem loquere quæ decent sanam doctrinam.* Hæc sunt quæ ad bonos mores pertinent.

VERS. 2. — *Senes ut sobrii sint.* (*CHRYST.*) Habet senectus vitia quædam propria, et morbos quibus juventus caret. Et ipsa quoque senectus morbus est, inest illi tamen præterea segnities quædam ac tarditas, oblivio profunda, obtusio sensuum et iracundia. Sunt enim plurima quæ in hujusmodi ætate vix fieri patiuntur.

VERS. 3. — *In habitu sancto.* Ut scilicet earum incessus, motus, vultus, sermo præferant sanctitatem. *Non vino multo.* Solent enim esse quædam, quæ corporis frigescente luxuria, vino se pro libidine dederunt.

VERS. 4. — *Ut viros suos.* Quos naturali affectu naturaliter diligunt, ament etiam pudica dilectione, ut scilicet cum pudore viris debitum potius reddant, quam exigant.

VERS. 5. — *Ut non blasphemetur.* Hoc ad senes et ad omnia superiora potest referri, quasi dicat: Hortare senes, et anus, et adolescentulas, ut ita se habeant ut dixi, quod ideo facere debent ut non blasphemetur, etc.

VERS. 7. — *In omnibus,* etc. Omnis enim qui male vivit in conspectu eorum quibus præpositus est, quantum in ipso est occidit eos; etiamsi illi vivunt, de misericordia Dei vivunt.

VERS. 10. — *Ut doctrinam Salvatoris.* Hoc refertur ad omnia prædicta, scilicet ad senes, et anus, et servos, quasi dicat: Hortare omnes prædictos, ut ita se habeant sicut præscriptum est, ut ita ornent in actibus suis doctrinam Salvatoris, etc. *Ornent.* Ornamentum doctoris est honesta vita discipuli.

VERS. 11. — *Apparuit enim.* Quasi dicat: Omnes monendi sunt, quia omnibus natus est Christus, nullum exclusit. Vel, *Gratia,* id est Christus qui est gratia Dei. Vel, *gratia Dei et Salvatoris,* etc., id est Deus et Salvator noster, scilicet Dei Filius, etsi invisibilis sit in forma Dei, tamen per gratiam apparuit in forma servi.

VERS. 13. — *Et adventum gloriæ magni Dei,* etc. Qui non in infirmitate ut prius, sed in gloria et potestate veniet præmia datus secundum merita, qui in primo adventu adeo humilis fuit, quod non solum erudit, sed etiam dedit semetipsum. *Sectatorem bonorum operum,* etc. Quia ad hoc redemit nos Christus, ut puram vitam sectantes et repleti operibus bonis, Dei haeredes esse possimus.

VERS. 15. — *Argue cum omni,* etc. Ut non asperre accipiatur, cum pro salute fieri scitur.

CAPUT III.

VERS. 1. — *Ad omne opus, etc.* Quasi dicat : Admone, ut ad malum tardi sint, sed ad bonum parati, scientes quod singulis persolvi oporteat, quia singulis paratur.

VERS. 3. — *Eramus enim et nos aliquando.* Etsi philosophi essent quidam nostrum, vera tamen sapientia carebant.

VERS. 4. — *Benignitas, etc.* Per quam dona nobis spiritualia abunde tribuit.

VERS. 10. — *Hæreticum hominem.* Hæreticus est qui per verba legis legem impugnat : proprium enim sensum astruit ex verbis legis, ut pravitatem mentis sue legi auctoritate confirmet, qui vitandi sunt :

A quia frequentius correcti exercitationes essent ad malum.

VERS. 11. — *Proprio iudicio.* Se damnat qui error rem laudat, et veritatem vituperat.

VERS. 13. — *Zenam legis peritum.* Hoc dicit, non quia peritior sit Apollo, sed quia hujus professionis erat in Synagoga. *Apollo.* Episcopus fuit Corinthiorum, qui propter seditionem concitatem adversum se a pseudo-apostolis discesserat cum Zena socio suo ad Titum Cretensem episcopum. Sed Corinthiis jam sedatis per epistolas Pauli mandat Tito, ut priusquam veniat Nicopolim, præmittat eos ita solite, ut nihil in viatico illis desit. *Ut nihil,* etc. Ideo jubet sumpus illis necessarios dari, quia dignum erat, ut qui spiritualia tradebant, non illis deessent carnalia.

EPISTOLA AD PHILEMONEM.

ARGUMENTUM.

Philemoni familiares litteras facit pro Onesimo servo ejus, scribens ei ab urbe Roma de carcere per suprascriptum Onesimum.

CAPUT UNICUM.

VERS. 1. — *Paulus vincitus.* Non dicit, *Apostolus* : quod est nomen dignitatis, sed *vincitus*, quod est nomen humilitatis : quia non imperat, sed orat. Est enim hic intercessio pro Onesimo : ideo quæ humilitatis sunt commemorat incipiens ab injuria sua, ut dignitatem Epistolæ suæ ficeret. Sicut enim peccati causa vinciri opprobrium est, sic econtra pro Christo custodiæ vincula sustinere, maxima gloria est. Eo ergo tempore in custodia erat. Ideo ait se vincitum.

VERS. 5. — *Quam habes.* Quia enim in Christum credebat et eum diligebat; sanctis credebat et eos diligebat, et ita per opera fidei et charitatis Christo serviebat et sanctis.

VERS. 6. — *Ut communicatio.* Quasi dicat : Fidem habes et charitatem in Christo et in sanctis, ita ut *communicatio fidei tuæ evidens fiat*, id est, ut fides tua communicans fidei nostræ; vel, quod aliis ex fide tua communicas evidens sit. Et hoc, *In agnitione omnis.* Id est, ita evidens sit, hoc merito cognoscatur omne bonum esse in te per Christum, id est omnium bonorum sufficientia. Ut ita : Memor sum tui, et gratias ago in orationibus habitis de hoc, ut *communicatio fidei tuæ*, id est operatio fidei qua servis Christo et sanctis, *evidens fiat in agnitione quæ est.* In Christo Jesu. Id est, cum cognitione boni æterni, ut illud exspectetur in præmium. Hoc enim orat Apostolus, ut operatio ejus cum cognitione fiat bonitatis, id est, ut tali mente operetur, ut in futurum inde exspectet præmium Iesum Christum, non autem retributionem temporalium.

VERS. 7. — *Viscera sanctorum.* Id est filii sanctorum charissimi, vel, erga te propensas sanctorum affectus quievit in te, scilicet consolante, et refrigerante est, quia bonum te per omnia invenerunt.

VERS. 10. — *Obsecro te.* Magnum est non de hu-

mili, sed de sublimi, si se inclinat et obsecrat. *Senex.* Seni magis ætatis similitudine debet obsequi.

VERS. 11. — *Qui tibi aliquando, etc.* (CHRY.) Vide quam prudenter ipsius, scilicet Onesimi, delictum constetur, ut eo ipso extinguat iracundiam Domini, non ait : Nunc tibi utilis erit, ne ille non crederet, sed personam quoque introduxit suam, ut ex hoc ille dignius sperare meliora potuisset. Si enim Paulo futurus est utilis, qui tantam virtutis et perfectionis diligentiam exigit, quanto amplius Domino.

VERS. 12. — *Ut mea viscera, etc.* Onesimum profugum recurrentem ad divinum auxilium cum esset in custodia Apostolus baptizavit, videns in illo utilitatis spem : quem sic commendat, ut suum animum in illo significet recipi.

VERS. 15. — *Forsitan enim.* Ideo dicit *forsitan*, quia humana sunt dubia, et potuit alia esse causa, quare sic Deus disposuerit.

VERS. 16. — *Maxime mihi.* Mihi magistro tuo : frater Onesimus, offenso proprio domino, confugit ad Apostolum ad hoc ut, obliteratis peccatis, utilis reverteretur, in tantum, ut non solum domino suo aquilis fieret meritis, sed ipsi magistro frater. Et ne Philemon (quia dominus) contra servum inflaretur, humiliat eum dicens : *Fratrem et in carne,* quia ex uno Adam omnes, et *in Domino* per fidem.

VERS. 18. — *Hoc mihi imputa.* Nunc excusationem omnem convellit, cum sibi imputandum esse dicit, si vel læsit, vel debet aliquid.

Ita frater ego te fruar in Domino. Id est, gaudebo de te in regno Dei, si feceris quod rogo. Et quid sit illud, subdit : *Refice viscera, etc.*

Confidens in obedientia. Provocat eum sic blandiendo, ut non amplius faciat, quam postulatur ab eo. Solet enim fieri, ut qui de se videt bene sentiri, meliorem se prebeat.

VERS. 22. — *Simul autem.* Ut sollicitiorem eum faciat, et ad obediendum prouptiorem, venturum se ad illum significat : quia vel hoc potest eum movere ad veniam. Solent enim absentes contenui.